

文淵樓叢書

校漢書八表

第七冊

前漢書表第七上

當途寢安

百官公卿表上下

按班表官制在前爲上卷表在後爲下卷蓋百官無志此兼志體也表百官公卿分十四橫行今校本自丞相以下分書敘年而列官制于前其有校者入之

相國

丞相

大司徒

太師

太傅

太保

按表上言高帝卽位置一丞相十一年更名相國孝惠高后
置左右丞相文帝二年復置一丞相有兩長史秩千石哀帝
元壽二年更名大司徒今校此表系何遷相國于高帝九年
與前所云十一年更名相國不合者證之本書蕭何傳言上
已聞誅韓信使使拜丞相爲相國誅信在十一年故前據之
此仍沿史表書之九年故不同也

高帝元年九年

沛相蕭何丞相何遷
爲丞相爲相國

按何傳高帝元年項羽立沛公爲漢王何勸王就國遂以何
爲丞相故史表亦書之元年云丞相蕭何守漢中九年遷相
國詳上

孝惠五年六年

八月己丑十月己丑
相國曹參安國侯王
薨

陵爲右丞
相曲逆侯
陳平爲左
丞相

按漢以右爲尊故右丞相在前此始置左右丞相也證之惠
帝紀秋八月己丑相國曹參薨月日與表同惟史記年表作
八月乙丑以長麻推之是年八月己酉朔其月有乙丑無己
丑然六年十月表中亦書己丑八十兩月干支同若依長麻
八月無己丑則十月亦無己丑也又證之惠紀六年冬十月
辛丑齊王肥薨辛丑爲己丑後十二日若十月無己丑則亦
無辛丑矣檢是年有後九月故七年正月之朔日食在辛丑

以七年正月辛丑朔連閏上推則六年十月之朔爲戊申實無己丑辛丑日分疑史家漏去後九月但据七年正月辛丑之朔上推故相差一月歟再檢史記年表孝惠六年十月乙巳王陵爲右丞相十月己巳陳平爲左丞相與漢表二人同書之十月己丑不合依長麻推之則己巳在十月而乙巳則又在五年之九月史家傳寫干支錯繆故通鑑于曹參之薨王陵陳平之相皆但繫月不繫日亦以是疑之也

高后七年八年

七月辛巳九月丙戌
左丞相審復爲丞相
食其爲太後九月免
傅

按食其爲太傅是免相也据此表高后元年食其爲左丞相

七年免八年復爲丞相證之史記年表則食其爲太傅及復爲丞相皆在八年一在七月辛巳一在九月丙戌與班表月日干支同而年分異溫公通鑑據史記本紀改書食其爲太傅于八年七月高后葬後攷異又謂長厯七月無辛巳九月無丙戌史表亦誤今按通鑑書高后崩于八年七月辛巳據史記漢書本紀月日長厯辛巳爲八月之朔系之七月則爲晦此不過大小建之異是史記系食其爲太傅于七月未爲誤也九月無丙戌而食其復相史記本紀書于八月壬戌八月亦無壬戌若改紀之八月爲九月改表之丙戌爲壬戌則月日俱合矣食其之免而復相相而復免俱在八年此表所謂七月辛巳九月丙戌者悉據史表書之而傳寫者竄入七

七年之七月致有此誤耳溫公之意似以食其爲太傅後無

復相之事

攷異言食其免在七月史記本紀云八月壬戌復爲左丞相亦誤

然食其之復相

及再免史記本紀年表及班表俱有月日未可遽定其無也

孝文元年

十月辛亥

右丞相平

爲左丞相

太尉周勃

爲右丞相

八月辛未

免

按平徙左丞相勃爲右丞相史記將相年表系之十一月辛

巳證之史記本紀書平徙左丞相勃爲右丞相于十月庚戌

之下則作十月辛亥者爲正故溫公通鑑據之然辛巳在十

一月辛亥在十月二表于支俱不誤也

三年

十二月丞
相勃免乙
亥太尉灌
嬰爲丞相

按陳平以二年薨周勃復爲丞相三年勃免据史記年表勃以十一月壬子免又云十一月乙亥灌嬰爲丞相證之本紀是年十月丁酉晦十一月丁卯晦以此推十二月之朔爲戊辰長麻丁卯爲十二月之朔乙亥乃十二月日分史表作十一月誤也然其繫勃免于十一月壬子則不誤蓋勃以十一月免嬰以十二月相俱見文帝本紀表中因灌嬰之相而類書之

四年

十二月乙巳丞相嬰
薨正月甲午御史大夫張蒼爲丞相

按嬰薨在四年十二月見本紀無日此與史表同系之乙巳十二月無乙巳且据下文張蒼爲丞相在正月甲午乙巳在甲午後十二日其非十二月之日分明矣疑此乙字當爲己字之誤通鑑于嬰薨不書日而系張蒼于正月甲午亦疑嬰薨之日分有誤也

後二年

八月戊戌丞相蒼免
庚午御史大夫申屠

嘉爲丞相

按史記年表系蒼兔相于後二年八月戊辰以下文嘉爲丞相在庚午上推之戊辰是也戊辰戌戌不同月通鑑据長厯八月丁卯朔是戊辰乃丁卯之次日而文帝紀仍据漢表書八月戊戌日分無攷異也

孝景二年

六月丞相
嘉薨八月
丁未御史
大夫陶青
爲丞相

按孝景二年六月嘉薨見漢書本紀八月陶青爲丞相見史記本紀惟長厯是年八月丙辰朔故下文晁錯代嘉爲御史

大夫在八月丁巳是丙辰後一日也丁未又在丁巳之前十日當爲二年七月日分然通鑑亦据此表書之無攷異也

七年

六月乙巳
丞相青免
太尉周亞
夫爲丞相

按史記景紀七年春丞相青免二月乙巳以太尉條侯周亞夫爲丞相證之史記年表則云六月乙巳此疑据史表月日書之通鑑則書之二月以紀爲正也

中三年

九月戊戌
丞相亞夫
免御史大夫
劉舍爲

丞相

按史記本紀書亞夫免相及劉舍爲丞相于三月表中無月
日此表系之九月戊戌是月戊戌晦日蝕見景紀

後元年

七月丙午
丞相舍免
八月壬辰
御史大夫
衛綰爲丞
相

按孝景後元年据本紀七月乙巳晦日食長厓推先晦一日
是丙午晦也惟丙午爲七月之晦則八月丁未朔其月無壬
辰此與史記年表同系衛綰爲丞相于八月壬辰直不疑代
綰爲御史大夫此表下文亦系之八月壬辰溫公通鑑据書

之不知何以無攷異也

孝武建元

二年

十月丞相

嬰免三月

乙未太常

許昌爲丞

相

按建元二年二月丙戌朔日食見武紀乙未爲二月十日三
月無乙未也史記年表系之二月乙未者得之通鑑仍据漢
表作三月乙未

元朔五年

十一月乙丑丞相澤

免御史大夫公孫弘
爲丞相

按弘傳言元朔中代薛澤爲丞相先是漢常目列侯爲丞相
唯弘無爵于是下詔褒弘封平津侯其後目爲故事至丞相
封自弘始也此表系之元朔五年與傳合而其以丞相褒封
與恩澤表同惟前表作元朔三年證之弘傳弘徵爲太常在
元光五年一歲中遷左內史數年遷御史大夫此表系弘爲
御史大夫于元朔三年二年遷核與五年爲丞相前後脗合
證之史記年表年月亦同是恩澤表之誤明甚

元鼎二年

二月壬辰
丞相青翟

有罪自殺
二月辛亥
太子太傅
趙周爲丞
相

按青翟莊青翟也前表避明帝諱作嚴青翟下獄死武紀系
之元鼎二年十二月此表複書二月疑上文脫十字也通鑑
書十二月壬辰是溫公所見漢表本作十二月又按長厯二
月無辛亥疑下文日分亦有誤字

太初二年

正月戊寅
丞相石慶
薨閏月丁
丑太僕公
孫賀爲丞
相

按太初元年十一月甲子朔旦冬至是年五月正厯以正月
爲歲首語見本紀是元年正月癸亥朔也以此下推二年正
月之朔爲丁巳戊寅爲正月二十二日然戊寅在正月則閏
正月不當作丁丑蓋丁丑乃正月戊寅之前一日也證之武
帝紀書太初二年正月戊申丞相慶靈公孫賀爲丞相應在
慶靈之後故通鑑据本紀作戊申而系丁丑于閏正月是也
然溫公所据者長厯而目錄所載正月無戊申亦無閏正月
故以丙戌爲二月之朔太初正厯改閏史家推載不無舛互
惟戊寅戊申不同月通鑑于正月戊申据本紀閏月丁丑据
表皆與長厯不合何也

征和二年

四月壬申
丞相賀下
獄死五月
丁巳涿郡
太守劉屈
釐爲左丞
相

按武紀丞相賀下獄死在征和二年正月長厯是年四月無
壬申疑表誤正爲四蓋是年正月丁未壬申乃正月二十六
日也五月丁巳史表作三月丁巳又校以王子侯表屈釐之
封在是年三月丁巳是以丞相封侯之證此表五月五字崔
係三字之誤

征和四年

六月丁巳
大鴻臚田